

INFORMACIJA

o zajmu njemačke banke za obnovu i razvoj Kreditanstalt für Wiederaufbau (KfW) iz Frankfurta na Majni za financiranje Projekta „Vjetropark Podveležje“

Tokom 2011. godine sa njemačkom bankom za obnovu i razvoj Kreditanstalt für Wiederaufbau (u daljem tekstu KfW) vođeni su razgovori u vezi podrške financiranja Projekta „Vjetropark Podveležje“. Na osnovu Verbalne note broj 189/2012 od 28. septembra 2012. godine, Vlada Njemačke se obavezala na razvojni kredit do 65 miliona EUR-a za financiranje Projekta putem KfW-a. Vlada Federacije BiH je Zaključkom broj: 420/2013 od 03.06.2013. godine, podržala inicijativu da se zaduženjem kod KfW-a osiguraju sredstva za realizaciju Projekta „Vjetropark Podveležje“.

Dana 21.05. i 24.05.2013. godine održani su pregovori o nacrtu Sporazuma o zajmu i projektu za financiranje Vjetroparka Podveležje, dostavljenog od KfW-a. Sastanku su prisustvovali predstavnici Ministarstva financija i trezora BiH, Federalnog ministarstva financija, JP Elektroprivrede Bosne i Hercegovine d.d. Sarajevo i KfW-a.

Sredstva kredita odobravaju se pod sljedećim uslovima:

- iznos zajma.....65.000.000,00 EUR-a
- rok otplate.....15 godina
- grace period3 godine
- naknada za neiskorištena sredstva.....0,25 % godišnje
- kamatna stopa.....fiksna (zbir efektivnih troškova financiranja koje napravi KfW) najmanje 1 % godišnjem nivou, a najveća ciljana iznosi 2,5 %
- naknada za upravljanje zajmom je 0,5 % jednokratno
- dospjeća.....polugodišnje u jednakim otplatama glavnice
- datum plaćanja glavnice i kamata.....30. ožujak i 30. rujan svake godine
- iz kreditnih sredstava se ne mogu plaćati carine, porezi i druge dažbine

Projekat podrazumijava instalaciju 16 vjetroturbina IEC klase II i visine stuba 80 metara, kapaciteta od 2-2,5 MW, sa životnim vijekom najmanje 20 godina i godišnjom proizvodnjom energije do 86 GW/h. Izgradnja projekta je planirana na lokaciji platoa Podveležje, oko 10 km istočno od grada Mostara.

Prednosti koje se očekuju provođenjem ovog Projekta su slijedeće:

- povećala bi se diverzifikacija energetskih resursa, a projektni rezultat bi se ogledao u čistoj energiji u elektroenergetskoj mreži BiH
- kontinuirano snadbijevanje kupaca električkom energijom, praćenje porasta električne energije i zadržavanje izvoznog trenda
- kroz otvaranje novih radnih mjesta tokom i nakon izgradnje potaknut će ekonomski rast u BiH
- doprinos zaštiti globalne klime spriječenim emisijama ugljika

Krajnji dužnik po ovom kreditnom zaduženju biti će Javno preduzeće Elektroprivreda Bosne i Hercegovine d.d. Sarajevo.

Za finansiranje Projekta, u Budžetu Federacije BiH nije potrebno osigurati dodatna finansijska sredstva za sufinansiranje.

